

太上昇玄三一融神變化妙經卷下

道言萬物之中人為最貴萬法之中唯一是貴萬一之中唯真是貴萬真之中唯重是貴萬聖之中唯道是貴所言玄一真一太一三一玄者是空虛玄遠統上无極統下无基中觀无邊故名玄一玄者遠也體性无實含藏一切不礙萬物故名之為虛无虛者能通无者皆空性體无質故名之為空玄者是一一者是道性者是淨真一者是實理者是正故名正一太者是大能生萬物包統一切故名太一三一者是子上承玄父之靈炁下乘玄母之元精養育成形成上取玄父炁二下取玄母炁一合成和合中道共成一象故言兩半而成一一者子也故名嬰兒赤子子者狀若始生之狀稟炁第三故名三一赤子也第一是玄父稟空虛雄陽之炁所成故名玄一第二玄母稟雌陰之炁所成故名雌一能生萬物養育含情故名玄母號之為太一一者大也故名之為道母是故稱玄一者天母位稱玄母雌一者天皇位稱真一帝一者道

太上昇玄三一融神變化妙經

卷下

君位稱三一者赤子真人位稱正一者大法師位稱无名常存三一者是混空虛无道炁未分形相未立渾淪无有形影故名混淪无名常存三一道炁分形變化百億神通故稱空洞變化三一後分斷陰陽生成萬物布化十方故稱陰陽三一第一无名三一第二虚无自然三一第三空洞變化三一第四玄一第五真一第六元皇三一第七太一第八正一第九赤子陰陽故稱九一之道空有九一常乘九炁道有九一位有九尊天有九一

上有九清地有九一下有九泉人有九一頭上有九宮所言三一者稱之為三寶上虛无三寶玄元始三炁天中有三寶天有三界地有三寶穀濟水夫人有三寶上中下丹田泥丸絳宮所稱為三五者三是玄元始三炁五是五行炁性在空為五炁在天為五星在位為五帝在地為五方在人為五藏是也道言三一行宮運化不停所居不同或以鎮在玄天七寶之宮或布化崑崙遊歷玄都或統御大羅觀望方壘或治化天庭洞房明堂

通行六合而至玉皇幽房玄闕華蓋之宮九一九子九女九皇出入崑崙治化九天明照九天日月出從天闕入從幽門或處天廬日月之間或下治黃庭泥丸絳宮或隱在杜樞大泉之中呼吸精炁乘駕六龍遊往龜山或乘靈波以御九龍翔行九鳳策使太一始老帝公行至三月三一之間混含萬變治鍊百關開導津液神靜體安中央黃老治化玉皇戊巳洞神原一帝真治化幽谷補養垂原乘炁納真出入生路或處命門關閉道戶精不泄散邪惡不干太素流霞乘風散煙浮空駕虛上造雲庭開闔來去出入虛闕千神百靈朝謁帝庭城闕交錯帷帳成雲天真總炁上通聖闕玄一至道來去不難吞珠藏玉白石巖齋樓閣萬重黃帝之宅甘淵无窮玄芝化生金漿玉液不死神丹還年保命骨化內騰遊歷八方上謁三清下治三界變化萬方都會玄臺朝謁聖皇旅行金闕下治帝鄉五嶽四瀆國土寧康一切萬姓永保吉良上一九帝天君諱擬天字玄先其二帝御肇

勤精從天仙兵馬一萬二千人

中元三一帝皇諱神珠字子丹帝卿真人光
堅從神仙兵馬一萬二千人

下元真一諱神精字谷玄帝卿歸上明從地
仙兵馬一萬二千人

其上一長九寸九分著紫縵金帔戴玄天寶
冠坐七寶之座或時乘九龍之車遊歷三界
手執天寶之鑪治化玉清

其中一長三寸三分著丹錦之帔戴九鳳之
冠坐七寶之座或時乘九麟之車遊歷十方
手執金鑪治化上清

其下一長五寸五分著黃錦之帔戴九龍遠
遊之冠坐七寶之座或時乘五色師子之車
巡行五嶽手執寶香之鑪治化太清其三

總會平旦朝上帝一君交度神悉補養骨髓
納我華津神悉填滿體發華鮮日中總會中
一絳宮教練赤子還魂復魄反老嬰童度命
回年保命无窮日暮總會下元真一之官清
蕩穢濁除故納新生我五老帝真變易骨髓
腸化為筋金骨玉髓契道契真自然變化无

窮永與三寶同保命根

夫三一者一一有變為三三一變生成九
一之道

上一玄尊有三大臣合成三人左臣號玄一
道君右臣號太和老君太和者頭白衣服白

玄一者頭衣俱青為道之魂魄也
中一元尊有三大卿左號真人右號光堅
下元真一帝尊左有幽精右有帝卿等上中

下三一尊有三大臣事其左右成一身有三
人三一遂成有九人名為九一之道在虛元
无形上號為九玄中號為九空下號為九炁

之道故名之為虛无三一化之在九玄攝道
境九空攝聖境九炁攝真境此為道中九一
之道九玄號无名常存天尊九空號空洞虛
皇天尊九炁號為元始天尊上一化為三清

中一化為三界下一化為三輪上三清為聖
境中三界為真境下三輪為仙境輪者是凡
或上或下或中來去輪轉不定故號為三輪
下輪入地府中輪生天上輪入真境故號之
為三輪是故道有九一天有九一地有九一

人有九一四九合成三十六炁總會三十六

天一變生九一九九八十一元炁空有八
十一道炁天有八十一聖炁地有八十一真

炁人有八十一仙炁總會三百六十炁上道
有三百六十虛元自然空玄之道天有三百

六十聖化之道地有三百六十洞真之道人
有三百六十骨節騰化炁仙之道稟其炁性

大呼小呼上呼三萬六千神識中呼三千六
百神識下呼三百六十神識會一年三百六
十日總備在人身中相應也若能修真學道

則得三萬六千神識來備自然身輕白日飛
騰與道合同
道言此三百六十炁之所分化上有三十六
空中有三十六天下有三百六十名山玄化

在人有三十六國所應也道有三萬六千神
變玄象天有三萬六千官殿地有三萬六千
洞府人有三萬六千神識道為玄空之至精
人是天地之靈精天地應玄空之太象道玄
空而道變天稟淨性而得清地稟結炁而有
形人稟精識而得生道无炁而无變化天

101 4月36日

无元炁而不玄清地无元炁而不能生成萬物人无元炁命根則不存所以人能修遺養生先須解存元炁而養精神炁者得佳人命則得長生神者識也識者正也正者真也真者聖也聖者性也性者道也道者空也空者玄也玄者虛无也虛无者自然也自然者真常也真常者无名也无名者混沌也所以號之為混沌无形无影无極无窮也炁者虛也炁者无也炁者通也炁者風也炁者動也炁者象也炁者變也炁者呼吸也炁者輕舉也炁者飛騰也炁者散也炁者命也炁者關也炁者明也炁者光象也炁者能匿影藏形也炁者能運轉也歎其神炁變化功能不可尋測矣

太上昇玄三一融神變化妙經卷下

二經同卷

太上導引三光九變妙經

太上導引三光寶真妙經

及六

太上導引三光九變妙經

玄古高聖无極天真玄和靈妃大明五女與三十二天君天帝天真大神靈寶真人諸天仙衆仙童五女日月真官列曜星辰无鞅僚掾及日月星內遊散仙氏常以太陽正炁之時正月三月五月七月九月十一月左引日華右引月魂仰朝萬聖俯挹列星奉修定光真常之道一名流精二名澤嬰三名法炁四名陽五名雲華六名道仙七名九變八名定光此道都畢歸真於常隨炁昇淪與道玄會不生不滅億劫常存諸天真仙咸所說習日君月帝星宿真官亦所常契真常之道莫不歎服元炁吐天流精喻漱澤嬰引伸法炁導御陽玉灌鍊雲華化演導仙超騰九變身生奇彩手回定光躍影太空登度三界水

出生死飛身上官

五老太聖諸天真人導引三光流精時一百

二十五真人誦誦法契八會之音

妙道分一炁 炁中分陰陽 凝化日月星

燦然流三光 九華含九道 八色怡八方

煥爛洞真體 流精歸太芒 下生淵泉宮

上列无何鄉 縱體復飛跡 歛然都相忘

七寶流精結 混沌雜華芳 嚙服九雲散

此樂殊未央

導引流精誦契單服三符



五老太聖諸天真人導引三光澤嬰時一百

二十五真人誦誦法契八會之音

玄絕九炁中 澤嬰生太无 鬱儀煥賜谷

結璘耀天衢 五星流寶光 斗極回乾樞

飛无鬱勃散 嚙御方踟躕 超跡天寶階

鍊芝服華敷 炁布萬神備 舉形昇太虛